



INFORME DE INCIDENCIA TURÍSTICA

OBXECTO DO INFORME: PARQUE EOLICO SERRA DE LIÑARES

SITUACION: CONCELLOS FONSAGRADA E NEGUEIRA DE MUÑIZ, LUGO

PROMOTOR: AIROSA VENTO SL

REFERENCIA: CLAVE: 2011/0166

1-ANTECEDENTES E SITUACION

A intención do proxecto que se presenta consiste na instalación dun parque eólico nos concellos de Fonsagrada e Negueira de Muñiz, na provincia de Lugo. O parque atópase dentro da Área de Desenvolvemento Eólico denominada I-2-9 Serra de Liñares, incluída no Plan Sectorial Eólico de Galicia.

Atópase este parque a 4 km o este da localidade da Fonsagrada e a outros 4 o oeste da de Negueira. Dentro da poligonal non se atopan lugares ou poboacións habitadas. No entorno inmediato sitúanse algúns pequenos lugares como Folgosa, Muiños do Rosario, Vilabol, Minide etc.

2-DATOS TECNICOS.

O Parque proxectado está formado por 16 aerogeradores de 3MW acadando una potencia total de 48MW. O modelo de aerogenerador seleccionado é o Vestas V-112 de 3 MW que ten un diámetro de rotor de 112 m e altura da torre de ata 94m.

Proxectase a instalación e construción dunha subestación transformadora como punto de enlace dos aerogeradores de tipo Pass compacta e un edificio para o centro control anexo a mesma.

O acceso realízase directamente dende as estradas LU-702, LU-701 e LU-1908 que atravesan polo interior da poligonal transcorrendo logo no parque por viais de nova creación uns, e outros existentes arranxados para adaptalos as condicións da maquinaria necesaria para o transporte e montaxe dos equipos.

3-VALORACIÓN DA INCIDENCIA TURÍSTICO-MEDIOAMBIENTAL.

Sinálanse a continuación os elementos turísticos máis importantes que se atopan na zona de influencia do parque:

Espazos Naturais Protexidos. Na poligonal que abrangue o parque non se atopan espazos protexidos. Os máis próximos son, o LIC de Negueira 2 km o este, o LIC Carballido 6 km o noroeste e o Parque Natural dos Ancares-Courel 4,5 km o sur.

Turismo ornitolóxico. O ZEPA dos Ancares é a máis importante das zonas próximas de observación de aves, incluída na súa totalidade na área de turismo ornitolóxico. Tamén o Río Navia o seu paso por estes concellos e os montes de Carballido son zonas de observación de aves destacables.

Establecementos hoteleiros. Dentro da poligonal non se atopan establecementos dedicados o aloxamento. Os máis próximos son: A 4 km o este no entorno da Fonsagrada, a casa de turismo rural



Muíños de Rosario, as pensións Manolo, Cantábrico e Villalba o Cámping a Fonsagrada, o Hotel Fonte Sacra e os Apartamentos Casa da Bastida. O Norte temos a 5 km os Apartamentos Vilarchao de turismo rural e o este en Negueira a casa de turismo rural Casa Vizacaín.

Actividades Turísticas. No entorno e dentro da mesma poligonal atópanse numerosas rotas habituais de senderistas e ciclistas sinaladas e promovidas polo concello da Fonsagrada. Pola poligonal atravesa ademais o Camiño Primitivo do Camiño de Santiago.

Patrimonio turístico cultural. Existen na zona numerosos elementos do patrimonio cultural coma son capelas, canastros, pazos, castelos, aldeas de pallozas, pontes, muíños, etc. obxecto de valoración patrimonial.

Valor paisaxístico. O impacto visual da instalación prevista sobre a actividade do sector valorase tendo en conta a incidencia da localización da instalación tanto dende o entorno inmediato coma dende localizacións a media distancia dada a xeomorfoloxía do terreo, que favorece a existencia de amplas concas visuais.

4-CONCLUSIÓNS

A zona posúe certa importancia turística no que se refire o turismo de natureza e pódese ver afectada pola instalación proxectada. Se conclúe polo tanto que posúe unha influencia ASUMIBLE no turismo específico da zona. Produce ademais unha incidencia sobre os valores paisaxísticos e visuais do entorno sumado os parques eólicos que xa existen na zona, polo que o impacto da actuación é tamén de competencia medioambiental. É preciso á realización dun estudo de impacto turístico, que propoña medidas compensatorias relativas á afección a estes puntos.

Santiago de Compostela a 13 de setembro de 2012

Arquitecto técnico do Servizo de Investimentos e Supervisión Técnico Turística

Ramón Pacheco Echeveres





Oficina:

**CONSELLERÍA DE PRESIDENCIA, ADMÓNS. PÚBLICAS E XUSTIZA
PRRU0211 - REGISTRO DO EDIFICIO ADMINISTRATIVO DE LUGO**

Destinatario:

**CONSELLERÍA DE ECONOMÍA E INDUSTRIA
EI110200 - DEPARTAMENTO TERR. DA CONS. ECONOMÍA E INDUSTRIA DE LUGO**

Remítense as seguintes solicitudes, escritos ou comunicacións presentados a través do Sistema Único de Rexistro nas oficinas indicadas na relación que se xunta, que van dirixidos a esa unidade administrativa.

Rexistro	Nº Rexistro	Data/Hora	Remitente/Asunto
REGISTRO XERAL	14802 / RX 10009	02/10/2012 09:42:47	XEFATURA TERRIT.-C. ECONOMIA E I. / RDO. ESCRITO DO XULGADO DE 1ª INSTANCIA Nº 5 DE LUGO REQUIRINDO CERTIFICADO
REGISTRO XERAL	14880 / RX 10087	02/10/2012 10:08:54	XEFATURA TERRIT.-C. ECONOMIA E I. / RDO. INFORMES REFER. A PARQUES EOLICOS EN TRAMITACION NESA XEFATURA TERRITORIAL